

欽定八旗通志卷二百四

人物志八十四

大臣傳七十

漢軍鑲紅旗二 侯襲爵 楊茂勳
馬雄鎮 姚政聖 于成龍

侯襲爵

侯襲爵漢軍鑲紅旗人順治六年七月管佐領八年閏二月授刑部理事官十年十二月擢廣東肇慶總兵官十二年正月總督李率泰以襲爵青年勇敢約兵愛民疏請移駐德慶州要地兼轄羅定

東安西寧三州縣十三年六月襲爵疏言鎮標左
右兩營馬步兵原備征勦之用刀鎗弓箭皆各營
自備日久腐朽且所轄羅定東安西寧等州縣并
肇慶城守水師營兵馬俱缺盔甲器械粵中山寇
海氛不時竊發請一律製造以裨戰守又言向來
各城守將備與有司官往往因小嫌互訐激成事
端請

勅下撫按嚴加申飭並得

旨允行九月遣守備蔡忠光會勦懷集縣克松岡寨生擒
八人招撫其崇陽王朱蘊鈴及渠帥李盛功等十
一月羅定州賊羅成基與其黨蕭鼎李仲倫等據
州屬之雲致峒襲爵率標兵三千抵其巢連破三
柵五寨成基創斃擒其僞中軍賴洪恩等鼎仲倫
相繼就撫餘黨悉平十二月因病解任康熙四年
七月補京口左路水師總兵官十六年十二月調
廣東高雷總兵官十七年四月擢廣東提督七月

海逆鄭錦犯泉州

上命靖南王耿精忠督餉侍郎達都等自潮州率兵赴閩
解泉州圍襲爵與副都統尚之璋總兵馬三奇固
守潮州十月疏言潮州密邇閩疆逼臨大海自經
變亂水師船隻燬失兼以達濠南澳井洲諸島逆
賊停泊爲巢與潮陽等處相隔帶水窺伺已非一
日邇來寇犯福泉各島勾連耽耽思逞潮屬營汛
多環山枕海道路寥濶鎮標額設兩營除派防要

汛外在城兵僅三百餘名汛險兵單請復設潮州
鎮標中營官兵五百大埔營官兵六百潮州水師
總兵一員左右二營官兵二千以資彈壓

上允其請十二月海賊百餘艘突犯潮州之鋪前礮臺襲
爵遣遊擊秦可京等水陸夾攻陣斬僞叅將都司
等五人賊級二百生擒三十四燬賊船二十十八
年二月海賊楊金目等犯山頭仔海岸襲爵遣副
將蔡茂植迎擊斬級千餘燬賊船三十賊奔潰茂

植躍舟逼攻斬僞翼將賴武楊雄及賊黨三百餘
生擒僞副將郭鳳杜開等九月疏報井洲島逆恃
海爲險臣與鎮臣馬三奇議水陸夾剿秦可京等
由東路登井洲海岸分兵直衝賊寨破賊城二斬
級五百餘焚賊巢七蔡茂植等率水師由西路抵
井洲海面賊截港拒戰官兵奮擊沉賊船十二陣
斬僞副將季棟林雄僞參將周武斬級五百餘乘
勝登岸連燬賊營九賊敗遁適南澳海山等賊擁

衆來援遂與秦可京等合師截殺焚賊船十四溺
死者甚衆餘賊悉遁十月疏言臣標官兵原設馬
二步八康熙十四年改爲馬一步九粵省幅輳遼
瀾枕臨西粵密邇閩漳標兵有援勦四應之責况
值海逆流寇互相出沒分頭策應非藉馬力曷克
星馳撲勦請照督標例復爲馬二步八俟事平日
議減下部議行時平南將軍賚塔奏調廣東潮州
碣石兩鎮舟師會勦海逆恢取廈門已得請十二

月襲爵疏言舟師會剿廈門其不便有四閩省大
船三百餘配兵三萬餘以當一路潮碣兩鎮額船
共止船艚趕晷十五可以出洋其餘皆係舢舨每
船僅可配兵二十餘名均非駕駛大洋之船水軍
又係新募未經操演何能獨當一路船小兵單勢
難遠出閩海一也閩粵東西相距風信不同非比
陸路可計日會合倘風濤阻滯彼此懸隔難以訂
期夾剿二也且達濠南澳諸逆密邇潮疆時竊窺

伺門庭之寇未盡根株難以遠出會勦三也卽如
達濠諸逆可期一鼓蕩平而沿海逆賊尚有謝昌
李積鳳等狂逞於廣肇高雷諸處連鯨飄忽與鄭
逆聲氣聯絡倘乘虛突犯何憑堵禦難保必無他
虞四也但今奉有

成命除已咨催兩鎮整理船兵外臣目睹形勢若不據實
披陳恐致貽誤得

旨候襲爵旣言潮碣戰船難以出洋汎守尚患不足宜停

其調發可仍撥舟師作進攻狀以分賊勢十九年四月
疏報將軍賚塔統兵駐潮與臣會商進剿達濠海
寇分撥滿漢官兵前至馬窖夾擊臣與賚塔親臨
海口水陸齊進徑奔達濠海面賊首江欽印輝等
率船百餘出磊石門拒敵我舟師奮勇直前礮石
如雨賊死命拒戰我陸路兵自後山衝下夾擊左
右翼滿漢官兵飛馳接應擊敗逆賊沉賊船八奪
賊船五生擒僞宣慰使洪磊及賊徒三十二名陣

斬僞副將二賊勢披靡我兵奪取磊石門賊復糾
船二百餘拒敵我兵轉戰愈力賊且戰且退將至
馬窖海面水師總兵劉顯芳督兵放礮夾攻又擊
沉賊船五淹死賊徒甚衆奪賊船三并器械等物
餘賊遁出外洋救獲難民一千三百餘名五月疏
報達濠旣平南澳遊魂膽落臣與副都統張夢吉
總兵劉顯芳領各標官兵水陸並進直抵南澳島
口僞將軍李榮等賊艘六十餘自深澳出蜂擁迎

敵我兵鼓勇直前矢石交下遊擊周琬身先士卒
斬僞副將一奪賊船官兵前後夾擊又斬僞副將
二翼將一逆徒五百餘奪船四賊衆燒死及落水
者無數追擊至海山口餘賊四散我兵同搗山巢
拆毀礮臺三焚賊巢五計屋二千七百餘間積寇
巢穴掃除淨盡並得

旨嘉獎二十一年十二月調貴州提督先是滇黔底定廷
議裁兵雲貴總督蔣毓棻以恢復未久請依三年

後裁汰並大定鎮缺兵急需募補兩疏皆經部駁
至是襲爵疏言裁兵之議已久但貴州東粵西蜀
南滇北楚爲四省咽喉且在萬山中苗蠻繁多性
嗜劫殺又向被吳逆佔據今恢復未久人懷疑懼
非重兵不足彈壓計通省經制兵二萬六千有奇
防隘護糧各營每以汎廣兵單告今留兵二萬外
裁兵六千六百有餘併家口不下萬人一旦驟減
兵非土著無家可歸兼之旱災頻仍資生乏策勢

金匱方輿記 卷二 四
必相聚爲匪乞將各鎮應裁之兵酌撥撫標及大
定鎮充補缺額無容另募其餘俟三年後照數裁
完下部議從之二十七年十二月卒於官年六十
有三子居廣由廕生官山東布政使

楊茂勲

楊茂勲漢軍鑲紅旗人父麒祥仕至鑲白旗都統
順治七年選通滿漢文藝者茂勲以廕生應選授
太僕寺副理事官十三年調兵部督捕右理事官

明年遷吏部右侍郎十六年五月給事中楊雍建
胡爾愷等疏糾吏部擬選擬陞先後互異下都察
院察議削銜降革有差茂勲降二級留任十二月
署河道總督十七年六月授湖廣巡撫十八年

聖祖仁皇帝御極擢貴州總督康熙元年十一月疏言金
筑土司王應兆以僞言王李定國招兵爲名煽誘
遠近苗寨抗欠官糧合謀叛逆當亟剿除以示懲
創十二月遣副將冶秉忠領兵由廣順州進剿應

兆聚衆三千餘出拒敗潰退據紅巖石寨秉忠與
遊擊白成功席登雲分兵攀陟山箐冒矢石攻破
賊寨斬應兆并賊黨數百人其餘衆及定番都勻
各苗寨悉自訴爲賊迫脇悔罪乞宥願納糧應役
二年正月茂勲奏捷下部叙功加兵部尚書銜四
年六月疏言苗蠻罔識運義以睦睦相讐殺故黔
記有曰苗家讐九世休又曰土苗連和國家之害
土苗讐殺國家之利茲言以苗弱苗也治之之道

與中土異凡有嘯聚刼殺自當發兵剿除其餘匿
山箐中自相讐害者第令頭目分辯曲直或願抵
命或願賠償處置得宜俾咸帖服創懲旣立亦必
悔悟自新漸革舊習此坐安邊境之策也下部議
行尋以裁缺

召還五年授河道總督七年三月疏言昨歲河決烟墩大
溜南徙河身淤成平陸計二十里臣相度形勢先
挑引河分刷水勢然後下埽堵塞決口今已全河